



SHANGAAN – Only one way to God

NDLELA YIN'WE NTSENA YO YA EKA XIKWEMBU



“Hi mina Ndelela ni Ntiyiso, ni Vutomi; a ku namunhu la nga taka ka Tatana, loko ku nga ri ha mina.” *Yohane 14:6*. Ku ni tindlela leto tala leti kombiwaka eka vanhu hi vadyondzisi va ti-dyondzo leti hambukeke emasikwini yo karhata, ya namuntlha, va ri: loko vanhu va famba ha tona va ta ya hlangana ni Xikwembu. Kasi exikarhi ka timhaka leti hinkwato, swi nyika ku tshemba loko hi twa Muponisi la hlamarisaka, Hosi Yesu Kriste, loko a ku: “Hi mina Ndelela.”

Loko ku ri ni nkarhi lowu hi faneleke ku n’wi yingisa ha wona, yena “la nga vulavula leswi nga

siki vulavuriwaka hi munhu,” wolowu hi wona nkarhi wa ku n’wi yingisa. A ku na munhu la nga kanetaka, leswaku hi hanya emasikwini lamo nonon’hwa, lama nga siki voniwaka hi misava, kambe hambu swi ri tano, swi vonaka wonge Yesu o vulavurile marito lamo tano emasikwini lamo tano. Enkarhini wolowo, a ku ri ni vukhongeri ni milawu leyi ngi yi ri karhi yi dyondzisiwa, kambe ntiyiso a wu pfumaleka. Yesu a ku ka vafarisi “Va ndzi nkhisamela swa hava loko va dyondzisa tidyondzo, leyi nga milawu ya vanhu ntsena.” *Mateo 15:9*. A swi kakanansi leswo, ku ni vanhu

lavo tala namuntlha laha misaveni, lava vutisaka kukotisa Filipi, loko a te: “Hosi, a hi ku tivi laha u yaka kona; ni ndlela hi nga yi tivisa ku yini xana?” Va nga va va vutisa xivutiso lexi hi rito leri nga twakaleki kule, kambe hambwi swi ri tano, xivutiso lexi xi le timbilwini ta vanhu. Ntsena ndzo tiva xilo xin’we, hi leswaku xivutiso lexi a xi tshama xi va kona embilwini ya mina. Kambe sweswi ndzi nkhensa Xikwembu, xivutiso lexi a xa hari kona embilwini, hikuva loko Yesu a ku: “Hi mina ndlela,” swi ringanile eka mina.

Kusukela loko vanhu va lahlelele enkarhini wa Adam, va lavile ndlela, ni namuntlha va ha lava ndlela yo vuyela eka Xikwembu. Kambe van’wana va kaneta leswaku munhu a nga helanga hi ku lahleleka. Va vula leswaku loko n’wana a velekiwa emisaveni, o velekiwa a tengile, kutani lexi nga kona, i ku n’wi tshika a tshamisa sweswo. Va yisa mahlweni hi ku ehleketa hi ndlela leyi. Va anakanya leswaku loko va n’wi yisa ekerekeni, a ya dyondzisiwa, leswaku loko a kurile o ta hundzuka xirho xa kereke, ku endleriwa leswaku ku ya ni ku ya, Xikwembu xi ta n’wi ngenisa etilweni. Hikwalaho, hi tshama hi ri kharhi hi yingisela leswaku lavantshwa va fanele ku dyondzisiwa, kambe a hi twi nchumu hi ta ku tswariwa ra vumbirhi ka lavantshwa.

Kambe i mhaka ya ntumbuluko loko munhu a ehleketa ku tirha hi ntamu, leswaku a tlhelela eka Xikwembu. Kukotisa Adam na Eva, loko va dyohela Xikwembu ensin’wini ya Eden, va ringetile ku tiambexa, leswaku va siva vuhava bya vona. Va balekele Xikwembu, va ya tumbela exikarhi ka mirhi ya ntanga. Endzhaku ka loko Adam a dyohile, a nga lavanga ku tisola eka Xikwembu lexi a nga xi dyohela, kambe o balekile emahlweni ka xona. Kambe a ku ri ni ndlela yin’we ntsena, leyi Adam a a fanele ku vuyela eka Xikwembu ha yona. Kutani Xikwembu hi ku vona mhaka leyi, xi vitanile Adam, kutani xi n’wi kuma a tumberile exikarhi ka mirhi. “Kutani Yehova Xikwembu a endlela Adam ni nsati wa yena tinguvu ta madzovo, a va ambexa tona.” *Gen. 3:21*. Kwala, mi ta vona leswaku i Xikwembu lexi nga lava, xi vuya xi kuma, ni ku ambexa. Xi va lavile, xi vuya xi va nyika swo ambala, va ambala. Eka mhaka leyi, hi vona Xikwembu loko xi lavela mudyohi loyi a a lulameriwe hi ku cukumetiwa etiheleni.

Yesu Kriste i Xinyimpfana xa Xikwembu. Kutani muhumesi wa Xinyimpfana, hi xona Xikwembu. Kutani hi xona Xikwembu lexi nga n’wi

rhuma emisaveni. Hi xona Xikwembu lexi nga rhwexa Xinyimpfana xa xona eswidyo swa hina hinkwaswo. “Kunene o rhwele mavabyi ya hina, o hi tekerile mahlomulo ya hina, kasi a hi ku: wa biwa, wa xupuriwa hi Xikwembu, wa tsongahatiwa! Kambe yena o tlhaviwile hikwalaho ka swidyoho swa hina, o tshoviwile hikwalaho ka ku homboloka ka hina: mimpfembeti leyi nyikaka ku rhula yi le henhla ka yena, kutani hi ntshunguriwa hi timbanga ta yena. Hinkwerhu a hi pepetseka tani hi tinyimpfu, a hi famba un’wana ni un’wana endleleni ya yena, kutani Yehova o n’wi rhwexile eku dyoha ka hina hinkwerhu.” *Esaya 53:4-6*.

Mikarhi yin’wana hi twa leswaku munhu o lahlelele hi ku wa ka Adam, kambe o tlhele a vuyela ka Xikwembu ha Kriste, kambe loko hi xiyisisa, Matsalwa ma vula ma ku: “Hikuva na yena Kriste o twisiwile ku vava kan’we hikwalaho ka swidyodho, yena la lulameke ematshan’weni ya lavo homboloka, leswaku a tiva ku hi tisa ka Xikwembu; a nga yena la dlayiweke hi tlhelo ra nyama, kambe o hanyisiwile hi Moya.” *1 Petro 3:18*

Hakunene, ndlela leyi yaka eka Xikwembu i yin’we, kutani ndlela yoleyo a hi ku landzela milawu ya vanhu, kambe ndlela ya kona yi humelerile hi Munhu un’we, la teke hi le tilweni, a vuya a tswariwa hi Moya lowo Kwetsima. Kutani o hanyile vutomi lebyi nga riki na xidyoho, hambwi lava nga n’wi vengwa, va hlulekile ku n’wi kuma a ri na nandzu. Na yena Yudas, la nga n’wi xengwa, o vurile leswaku o xengile ngati leyi nga riki na nandzu. *Mateo 27:4*. Kutani sweswi hi vona la nga riki na nandzu, la xaniseriweke lava nga ni nandzu, a ri karhi a va tisa ka Xikwembu, leswaku va hlaiyiwa lavo lulama eka xona.

“Kunene munhu un’wana ni un’wana la yimaka, i hika ntsena.” *Psalma 39:5*. Leri i rito leri katsekanyaka hinkwaswo, leri humaka eRitweni ra Xikwembu, kutani swi nge hi pfuni nchumu eku landzula ntiyiso lowu. Mitirho ya hina leyo julama a yi pfuni nchumu, kutani lexi languteriwaka eka hina, i ku tivona leswaku hi pfumala Muponisi.

Vanhu lava tsakeke a va pfumali n’anga, swi tano ne ka lava tivulaka lavo lulama, va ehleketa leswaku a va n’wi pfumali Muponisi, kambe Xikwembu xi ku: “Ku lulama ka hina hinkwako kukotisa switlakati.” *Esaya 64:6*. Loko hi ta yima emahlweni ka Xikwembu, hi fanele ku ambala leswo antswa ku tlula switlakati. Swa hi boha

ku kuma ku lulama lo'ko hetiseka, kutani ku lulama kuloku ku le ka Kriste. "Kutani ha xona, mi le ka Kriste, la endleriweke hina, hi ku rhandza ka Xikwembu, evuthhari, ni ku lulama, ni ku kwetsima, ni ku kutsuriwa." *1 Kor. 1:30*. "Hikuva la nga tivangiki xidyoho, Xikwembu xi n'wi endlile xidyoho hikwalaho ka hina, hi ta hlayiwa ha yena lava lulameke emahlweni ka Xikwembu." *2 Kor. 5:21*. Swidyoho swa hina swi endlile rihika exikarhi ka hina ni Xikwembu. Kambe Yesu Kriste o rihile nandzu wa hina exihambanweni, a ri karhi a khowsa Xikwembu hikwalaho ka vudyoho bya hina, hikuva yena wa hanya, "na swona, wa swi kota ku ponisa hi ku hetisisa lava tshineleka Xikwembu ha yena. *Va-Heb. 7:25*.

"Yesu i mbhoni leyi tshembekaka." *Nhlavutelo 1:5*, na swona o tshembisile leswaku a nga ka a nga cukumeti ni un'we la taka ka yena. *Yohane 6:37*. Ku ta eka yena, swi vula loko munhu a hundzuka eswidyohweni swa yena hinkwaswo, a kombela Xikwembu eku n'wi rivalela, ni ku n'wi hlantswa hi ngati leyo hlawuleka, ya Yesu. Ni leswaku munhu a hundzuka emikhuveni ya yena ya khale, a tinyiketa eka Xikwembu, a vuya a xi hanyela. Hikuva loko u amukerile Hosi, ni ku nkhenza ku rivaleriwa hi yona, yi ta ku nyika ku rhula, ni ku tsaka, kutani ku nga ka u nga ha vi ni ndlala ya swilo swa misava.

Hakunene wena muhlayi, ndlela leyi yaka eka Xikwembu i yi'nwe; wonge u nga yingisa Hosi Yesu Kriste, loko a ku: "Hi mina Ndlela." Sweswi nkhisama hi matsolo, u vulavula na yena, u n'wi hlayela vutomi bya wena. Tisole eka yena, kombela leswaku a ku rivalela, a ku twela vusiwana wena mudyohi, a ku hlantswa hi ngati ya yena leyo hlawuleka, a ku endla n'wana wa yena, a ku nyika vutomi lebyi nga heriki. Hikuva yena o tshembisile leswaku o ta swi endla, wena pfumela ntsena, leswaku o ku twile, ni leswaku leswi u nga swi kombela swi endliwile. Pfuku u famba, kambe u nga ha tlheli u dyoha. Kutani loko u tshuka u tivona u tsanile, kombela eka Hosi Yesu leswaku a ku tiyisa, a ku nyika ni ku hlula xidyoho. Tihlawule, u fularhela swidyoho swa misava; kutani u ta vona leswaku a nga ka a nga ku nyiki ku rhula ntsena, kambe na kona ku tsaka, loku misava yi hlulekaka ku ku nyika kona. Na swona u ta tsaka ha swona, loko u ta va u tirhela Xikwembu, lero u nga ka u nga ha naveli mitsakiso ya misava, hikuva swilo swa misava i swa nkarhinyana ntsena, swa hundza, kambe leswi Xikwembu xi ku nyikaka swona, a swi na ku hela.

Sweswi-ke, hundzukela eka yena, Loyi a nga yena Ndlela, ni Ntiyiso ni Vutomi.

MUXISI

Satana o xisile Adam na Eva hi ku va byela vunwa ematshan'weni ya ntiyiso. O va nyikile leswi nga riki swa yena, kutani hikwalaho, o va nyikile nhlomulo ematshan'weni ya ku tsaka, ni rifu ematshan'weni ya vutomi.

KU LULAMA LO'KO HOMBOLOKA

Satana o ta ku nyika ku lulama lo'ko homboloka, ni nguvu leyi nyamisiweke, yi nga nguvu ya ku lulama ka wena, ematshan'weni ya ku lulama loku humaka eka Yesu, loku hi ku kumaka hi ku pfumela, eka Yesu Kriste. Tinguvu leto basa ta ku lulama ka Yesu, ti hlantswiwile hi ngati ya Xinyimpfana, kutani a nga ka a nga ku nyiki tona, hikuva ti kumiwa hi lava hundzukaka, va vuya va pfumela eka Kriste.

KU RHULA LO'KO HOMBOLOKA

Satana o ta ku nyika ku rhula lo'ko homboloka, loko a ku byela leswaku vanhu hinkwavo i vana va Xikwembu, va ta nghena etilweni. Yesu a ku ka vafaris: "Nwina mi huma ka tata wa n'wina a nga Diabolos, kutani mi rhandza ku endla ku navela ka tata wa n'wina." *Yohane 8:44*. Muapostola Yohane a ku: "La dyohaka, i wa Diabolos, hikuva Diabolos o dyohile ka ha ri kusunguleni. Un'wana ni un'wana la tswariweke hi Xikwembu a nga tshami a dyoha, hikuva mbewu (Yesu, a nga Rito) ya Xikwembu yi tshamile eka yena; kutani a nga swi koti ku dyoha, hikuva o



tswariwe hi Xikwembu. Hikwalaho ku vonakala lava nga vana va Xikwembu, ni lava nga vana va Diabolos. Un'wana ni un'wana la nga endleki swo lulama, a hi wa Xikwembu, kukotisa la nga rhandziki makwavo." I Yohane 3:8-10.

Hi nga hundzuka vana va Xikwembu hi ku tswariwa ra vumbirhi. "Kambe hinkwavo lava nga ri amukela, ri va nyikile matimba ya ku endliwa vana va Xikwembu, va nga lava pfumelaka rito ra rona, lava nga velekiwangiki hi ngati, ni loko ku ri ku rhandza ka nyama, kumbe hi ku rhandza ka munhu, kambe va velekiwe hi Xikwembu. Loko munhu a nga tswariwi ra vumbirhi, a nga ka a nga voni ku fuma ka Xikwembu. Leswi tswariweke hi nyama, i nyama; kambe leswi tswariweke hi Moya, i Moya." Yohane 1:11-13 na Yohane 3:1-8. Satana o ku byela leswaku a ku na tihele, a ku na Xikwembu, a ku na ku avanyisa, a ku na ku pfuka ka vafi. Kambe Moya lowo Kwetsima, wu nga Moya wa ntiyiso, wu ku komba swidyoho swa wena, wu tlhela wu ku komba Yesu, murhwali wa swidyoho, ni Xinyimpfana xa Xikwembu, lexi susaka swidyoho swa misava.

KU TSAKA LO'KO HOMBOLOKA

Diabolos o ringeta ku ku nyika ku tsaka lo'ko hamboloka. Kunene o ta ku nyika leswi naveriwaka hi nyama ya wena. Kambe leswo a swi xurhisi ku navela ka moya wa wena. Byalwa byi nga ka byi nga timi torha ra moya wa wena, hambi loko va ri vavasati kumbe vavanuna. Yesu a ku ka wansati wa Samaria: "U hanyile ni vavanuna va ntlhanu, kutani loyi u nga na yena sweswi a hi nuna wa wena." Kambe Yesu o n'wi nyikile mati lama nga tima torha ra yena hinkwaro. Yesu i xihlovo xa vutomi. Loko hi nwa mati lama a hi nyikaka wona, mati wolawo ma kotisa xihlovo lexi yisaka evutomini lebyi nga heriki. U nga tshuki u xisiwa hi ku tsaka loko nga riki na nchumu, ka Diabolos, ku tsaka ka yena ku helela enhlomu-lweni lowu nga heriki, wa tihele.

KU VONAKALA LO'KO HAMBUKA

Diabolos o humelela a ri ekuvonakaleni loku hambuxaka. O rhandza ku humelela a kotisa ntsumi ya ku vonakala. A a ri ntsumi leyo saseka ngopfu loko a nga si wa, kambe sweswi a swa ha ri tano. Satana o ringeta hi ntamu ku endla leswo xidyoho xi va lexo saseka, a ta ku ringa, ni ku ku khoma ha xona, hikuva ku vonakala ka yena hi loku voningaka ni vusiku, na swona ku hambukile. Kambe loko Yesu, yena Dyambu ra ku lu-

lama, a humelela, mavoningo hinkwawo ya Diabolos ma ta nyamalala. Hikuva loko u ri eku vonakaleni ka Xikwembu, u ta vona hi laha ku kwetsima ka Satana ku nga biha ha kona.

NDLELA LEYI NGA RIKI YONA

Satana o ringeta ku ku fambisa hi ndlela leyi nga riki yona. Ku ni ndlela yin'we ntsena leyi yaka etilweni, Yesu a ku: "Hi mina Ndlela, ni Ntiyiso, ni Vutomi." Kambe Satana o ku byela leswaku yena o ni ndlela leyo antswa, leyo anama, leyi fambiwaka hi lavo tala, kambe a nga ku kombi makumu ya ndlela yoleyo, hikuva yi helela etiheleni. "Ndlela yi kona leyi vonekaka eka munhu ingi yi lulamile, kasi makumu ya yona ma yisa eku feni. Ndlela ya xihunguki yi lulamile mahlweni ka xona. Vutomi byi kona endleleni ya ku lulama." Swivuriso 14:12 na Swivuriso 12:15, 28.

RIFUWO LERO HOMBOLOKA

Rifuwo leri nyiketiwaka hi Diabolos hi lero hamboloka. Wanuna wa mufuwi o xisiwile ha rona, hikuva loko a file, o yile tiheleni. Na yena Yudas, a a pfariwile mahlo hi makume manharhu ya macheleni. O lahlekeriwile hi Yesu, kutani ha kona, o pfumarile vutomi lebyi nga heriki, ni ku rhula loko nga heriki, ni ku tsaka loko nga heriki, ni rifuwo leri nga heriki. O lahlekeriwile hi vutomi bya yena, ni vuapostola bya yena. Satana o ta ku nyika ribye ematshan'weni ya vuswa, ni xipame ematshan'weni ya tandza, ni nyoka ematshan'weni ya nhlampfi. Kambe eka Yesu, hi ni rifuwo leri nga heriki, ni leri nga ta ka ri nga nyamalali.

Ku nga vuriwa leto tala, kambe toleti ti ringanile eku ku tsundzuxa leswaku u landzela Murisi Lonene, la nyiketeke vutomi bya yena hikwalaho ka wena. Landzela rivoningo ra ntiyiso, wu nga Moya lowo Kwetsima, u ta hundzuka rhavi ra nsinya wa vinya. Yingisa Yesu, Muprofeta wa ntiyiso, u tshika ku yingisa vaprofeta va Diabolos. Fularhela swikwembu swa hava, u tirhela Xikwembu xa ntiyiso. Hundzuka mugandzeri wa ntiyiso, u gandzela Xikwembu hi moya ni ntiyiso. Yesu i vuswa bya vutomi lebyi xurhisaka, byi tlhela byi nyika vutomi lebyi nga heriki. U nga tshuki u xisiwa, Xikwembu a xi vungunyiwi, hikuva lexi munhu a xi byalaka, hi xona lexi a nga ta xi tshovela.

U nga ha tshiki nala a ku xisa, kambe landza Yesu Kriste, loyi a nge te: "Hi mina Ndlela, ni ntiyiso, ni Vutomi."

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)